

Impressum -
 Descriptum Parisiæ in Calend. Poron - 1767

DEO OPT. MAX.

UNI ET TRINO,

VIRGINI DEI-PARÆ, ET S. LUCÆ,
 Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS;
*manè discutienda, in Scholis Medicorum, die Jovis vigesima-prima
 mensis Aprilis, anno Domini M. DCC. LXIII.*

PRÆSIDE,

M. HENRICO-JACOBO MACQUART,
 Doctore Medico, Librorum circa Medicinam, vel Chemiam,
 vel Historiam naturalem, Censore Regio.



Utrum Domos nuper extruēdas habitare noxium?

I.



NUMERA ab aëris & anni temporum omnigena sævitie
 incommoda primævos homines hospitia seu asyla quærere
 compulerunt. More ferarum, in antris recesserunt primùm;
 idcirco ea construxisse videbatur natura. Sol autem vivo calore
 cuncta fovens & nutriens deficiebat, vita languēbat. Inde con-
 fugiendum ad diverticula quæ recrearet sol naturæ parens.

Itaque arbores jam cædunt, in orbem extollunt, imitantur antra quæ dùm
 à calore, imbre, frigore tutos præstarent luce non orbarentur. Nondum
 tamen ita luxuriat foliorum umbra ut à cœli tempestate membra sint immu-
 nia; flant interea venti, crescit hyems, jamjamque labaret vitæ flammula,
 nī ramulis alternis trabes *jugumemando* (a) lutoque obstruendo novus hospes
 cœlum grave quasi averteret. Ità exurgit vera domus, sed mens irrequieta non
 silet, ambit majora; commodiora & splendidiora ædificia, naturam omnem
 brevi conducit, & quæ in usus meliores recondiderat, in lucem eruit. Terræ
 viscera aperit, saxa, ferrum, plumbum, aurum, argentum, &c. effodit.
 Neque diū miseri mortales ignoraverunt naturam omnem impune ità con-
 duci ad luxum & commoditates; experientiâ crudeli facti doctiores, in delectu
 aut præparatione materierum quibus ad extruendas ædes utebantur, toto animo
 versari studuere: & veritum fuit ne uteretur trabe recentiori, lapidibusve quin
 per longum tempus siccò aëri objectæ fuerint. Hodie verò & Parisiis præfer-
 tim, necdum iisdem adhibendis cautelis invigilemus, quin contrà infausa luxûs
 exagitari cupidine, omnem & ædificiorum pompæ & eorum præpropere con-
 structioni curam impendimus. Egressus ex urbe post mensem unum aut alte-
 rum regrediaris. Quod solum erat, jam minatur cœlum. Qui sit tale prodi-
 gium? Nil diviti arduum aut insuperabile. Cupit, illic moventur mille
 brachia, eruitur terra, procumbunt arbores, metalla fluunt, teruntur colores,
 fervet natura omnis, & adest palatium. Jam superbus hospes excipitur, securus
 an tutus?

(a) Vitruvii At-
 chitect. lib. II. cap. 1.

MA T E R I E S ex quibus conficiuntur domus, licet infinitæ numero, in duas tamen classes à Medicis discesci queunt; Prioræ, ut lignum, lapides, calx, gypsum & arena ad extruendas aedēs; posteriores, ut vernix, cerussa, ochra flava & colores omnimodi ad easdem honestandas tantummodo conducunt. Ligna ædificiis construendis dicata vulgò sunt avèrnis, alnus & castanea. Hæc præ omnibus lignarii fabri in pretio habent, quia quamvis multa alia duriora reperiantur, nihilominus aptissima ad magnum sustinendum pondus omnia recensentur. Sed *Ratio* asserente, progressu temporis tantum valent indurare, quantum à nimia humiditate præservantur: non igitur civium sanitati, minus etiam operis diuturnitati consulunt mercatores, dum lupariarum insulâ campo ubique aperto ligna venalia omni hyeme exponunt.

(a) Bonbanc,
Cliquart,
Liaisi.

Saxa construendis ædibus usitata nobis ex (a) Bonbancii, Cliquartii, Liaisque latomiis advehuntur. Cum saxo micaceo fissili, saxo micaceo corneo granulis puculato, Saxo cotaceo compacto albicanti vix micaceo conveniunt. Ex terrâ subtili & fluido aqueo quem in maximâ quantitate intra partes retinent, suam primam ducere originem docet autopsia.

Calx substantia illa porosa, sicca & alkalina, è lapidibus calcariis fortissimæ calcinationis beneficio paratur. In ædibus tam condiendâ arenari materiâ quam obvolvendis muris à nonnullis adhibetur. Cum acidis & aquâ effervesceat, in illâ autem dilata latentem vim ignis prodit.

Gypsum * marmor fugax opacum quorundam, nobis calx lapidis specularis, è terrâ calcariâ subtili & acido vitrioli constat. Præstantissimum illud est quod in fodinis Montis-Martis præparatur. Eo utuntur operarii ad domorum areas & concamerationes.

Vernix ex resinis spiritu vini solutis in genere conficitur; inter cetera quibus aedēs superinducuntur, ea eminent quæ ex therebentina, mastiche, gummi elemi, gummi copal & sandarachâ præparantur. Tria adhibentur, alia siccativa, alia minus siccativa, alia tandem pingua.

Colores quibus operarii olim parietes illiniebant, ex argillâ vulgari, ochrâ flavâ, gur, cerussâ, calce etiam & aliis aquâ subactis conficiebantur. Genius humani generis inimicus, *Joannes Van-Eych*, sufflavit artem hanc, quâ metallâ opæ olei mutarentur in lamellas vitreas parietibus, lignis facili & solidum applicandas. Eorum corporum nunc effectus examini Medico subijciamus.

I I I.

LI G N U M quale in ædibus vulgò & hodie adhibetur, intrâ primos menses irriguam aquam stillat. Pars quæ in auras avolat, humiditatem aëri inducit, qui postea infrâ pectus & ventriculū receptus, vel toti corporis superficiæ incumbens, fibras laxat & solvit, transpirationem suppressit, inde dolores ad artus & rheumatismi. Interdum verò rimas agit, quæ madore perperim defudante illinitæ, non satis renovato aëre, mucescunt; hinc cujusdam partis ligni extractivæ solutio, putridorum ideo effluviorum emanatio, quæ in aëre recepta passim circumvolitant, eum afficiunt, corporis repagula permeant, spiritus animales figunt, motum humorum sufflamant & stuporem

* Gypsum cum pulvere carbonum destillatum, dat aquam sulphureo spiritu saturam, ac deinde, aucto igne, verum sulphur emittit. Tractatum cum fluore albo, hepar sulphuris efformat; quod si è contra fundatur in crucibulo cum sale tartari purissimo, aut bulliat in lixivio forti alkalino, tunc ex utroque processu fundit optimum tartarum vitriolatum; terra verò superflua est vere calcaria, acidisque in sal enixum cum effervescentiâ solvitur. *Vide Opuscul. Chemic. Margraf.*

inferant. Notatū dignū est aërem halitibus fermentationem putridam subeuntibus coquinatum, maxime cerebrum suis implendis muniis ineptum reddere ita & emollire, ut nervorum tonus laxetur & præarrata mala subsequantur. Nec parvam quoque noxam ligna resinis referta, ac præcipue si sint ex abie, cupresso, terebintho & aliis similibus afferunt. (a) Multos videre est quotidie qui eorum gravem odorem sine capitis dolore ferre non possunt. Indè sanè liquet, quare lapides rudes, ut ut nullum tetrum odorem spirent, nihilominus tamen acerbis damnis urgeant. Vix diruuntur è rupe, cum aquæ ope maximā quantitate absorptæ, in tabulas scindantur & sine morâ in aedes mutantur. Aqua autem dum diffluit undique, dum rorant muri, quid sanitati? Sed longè alia imminet mala, cum accedit vapor ex calce & gypso exhalans. Intra fauces & pulmones receptus, raucedinem, tussim, dyspneam, &c. producit. * Calx in aquâ extincta substantiâ salinâ potissimum gaudet; muris calce obductis, sal illud, quod cubiculi calor evaporationi subjicit, ore & naribus excipitur, pulmones perit, & eorum substantiam plus quam par est constringendo vitiat. Similiter aqua à fabris murariis, quò gypsum pertractent adhibita, dum avolat, sales acres qualitatem pectori intestam mittentes secum trahit. Hujusdem noxiæ indolis est odor, qui ex conclavi recens aut vernice, aut diversis coloribus obducto, in aërem diffusus, naribus hauritur. Ingens enim est odorum potentia in partes quæ motum & impetum in corpora agunt, quod apparet in odoramentis præsertim graveolentibus, quæ quasdam mulieres in suffocationes vel hystericas convulsiones conjiciunt. Quum itaque in odore diu versantur qui cameram recenter illitam incolunt, & talem locum calefaciunt, in proclivi est judicare quam ob causam ii ut ut sint crassi & proceri homines, inquietudine & jactatione corporis, ægrâ & summè anxîâ respiratione, appetitus prostratione, sensuum alienatione, languore, artuum debilitate & aliis similibus afficiantur.

I V.

APERTISSIMA quamplurium Medicorum testimonia dictis fidem facerent, si rationi negaretur (a). «Hermocrates, ait divus senex, qui secundum novum murum decumbebat, igne hoc est vehementissimâ febre correptus est. Cæpit ex capite lumbisque dolere, præcordia molliter contendebantur, lingua verò per exordia deusta fuit, confestimque surditas obnata est, somni non aderant. . . . (b) Notabilis quoque est historia ab Hoffmanno referta. «Accidit, inquit, hic fatalis casus; dum tres filii, infantes adhuc, Consiliarii Aulici, aliquot dies in camerâ non ita pridem calce obductâ dormiverunt, omnes intrâ duos dies anginâ suffocati pe-

(a) Ramazz. de morb. artific. Supplementum, c. 6 p. 670.

(a) Hippocr. Epid. dem. lib. 3. sect. 7.

(b) Hoffm. Pars. 2. cap. 9. Medicin. rat. System. de rebus venenatis in aëre.

* Terra calcaria non excocta, aut cum aquâ mixta, nullum salinæ indolis indicium præbet, at quam primū excocta & quanto magis excocta, tunc nulla etiam salinæ materiæ presentis documenta dat; sed rectè ac decenter combinata cum aquâ, ita illi adhæret, & sese conjungit in salinam substantiam, in aquâ limpida dissolutione liquecentem, ut corrosivam suam naturam, uti prius retineat, imò majorem, atque etiam volatilitatem acquirat, & cum ipsâ aquâ, sola aquæ evaporatione dissipetur. Specimen Beecher. Stahlî, pag. 63.

Newmannus per caleis destillationem cum aquâ spiritum obtinuit salinum, violarum syrupum in viride tingentem.

Ludovic, destillando spiritum salis cum calce vivâ, obtinuit quoque merum alkali volatile, hinc rursus probatur quod non adfit sal jam efformatum in calce, sed tantum terra summè attenuata, quæ, adjuvante aquâ aut spiritu salis, facîle in mixturem verè salinam, imò volatilem transit.

Vide quæ postillam leguntur in annotationibus Chemiæ Lemery, Authore M. Theodoro Baron, Doctore Medico, Regiæ Scientiarum Academiæ Parisiensis Socio. Vide etiam Opusculum M. Roux, Doctor. Medici, Regiæ Scientiarum Academiæ Burdigalensis Socii, quod inscribitur *Recherches sur la chaux*.

rierunt. Nuper & non procul à Parisiis in castro Gallicè dicto *des Maisons*, operarii plurimi postquam per aliquot horas dormiverunt, in loco calce recens obducto, phrenitici, vertiginosi, delirantes & de futuris balbutientes exsurrexerunt. Ars nostra restituit tandem sanitati & rationi. Neque hoc loco prætereunda est historia quam adfert Tulpus, (c) ubi memorat, « virum splen- » didum cum totâ familiâ quæ eidem accubuerat mensæ, in vertiginem, ar- » dorem guttaris, vomitum, præcordiorum angustiam, aliaque præsentis » veneni indicia incidisse». Ab ancillâ aut ab alio, cibariis quicquam nefarie fuisse permixtum, protinus crevit suspicio; sed eventus docuit, « ex pariete » recens illito in patinam decidisse sulphuream illam calcis efflorescentiam, » quæ copiosissimè stabulabatur illic loci». (d) Jovianum Imperatorem odore cubiculi, quod ex recenti tectorio calcis, grave quiescentibus erat, exanimatum multi opinantur. Spectat hic quoque observatio Boerhaavii (e), ubi narrat se vidisse Hagæ-Comitum, quod nitida domus citò inhabitata, fecerit uni mortem, alijs pessimas paralyses quæ nec fomentis, nec balneis curari poterant.

V.

EX his patet quam utilis esset hæc consuetudo, ne scilicet, recenter exstructam domum, nisi Romanorum more uno aut altero elapso anno, quivis habitaret. A variis enim exhalationibus probè defæcatus aër, nec tenuissima vascula nimis constringeret, vel iusto plus laxaret, nec partium fluidarum compagem solveret, vel attenuaret, sed potius solidorum motum contractorium & expansivum servaret, fibrisque debitum robur & convenientem tonum fœneraret. Notandum tamen periculum insuper aliud imminere, dum parietes ex resinis olentibus spiritu vini solutis obducuntur, nam mutato aëre odor renovabitur. Itaque, ut suadet *Pancirolli* (a), mox in conficiendo vernice resinam odore linquentem adhibeas tutus ibis. Sed obijciat aliquis divitum lacunaria plebisque recta, etiamsi variis coloribus recenter illita, quotidie habitari impune. Id nunquam contingit nisi prius accensis ignibus domos arefacere studuerint, coque in rerum statu de tempore quo nulla effluvia avolant, quæstio est, dum agimus de inquinato aëre malorum irritamento. (b) Errorem attamen abjiciant, qui hæc cautione, ædes calce aut gypso recenter obductas, nunquam deleteriam participare indolem autumant. Periculum intendunt necdum depellant. Elapso enim aliquo tempore, præsertim humido aëre, linæ colorum inductiones calcis crustæ, à nimium promptâ ignis actione non exsiccatæ, suâ vice vapores acres fundunt quibus, dum securus hospes, dira morborum renovatur cohors. Cum itaque ex cognitâ calcis, gyphi colorumque effluviolorum naturâ constet, materiam acrem & corrosivam, illarum compositionem pro maximâ parte ingredi: cum aliunde extra dubium positum sit miasmata illa, aëri incluso & omni ferè elatere orbatò commista sanitati esse infensissima; hisque copiam admoveat observationum auctoritas, in primum est dicere.

Ergo Domos nuper exstructas habitare noxium.

Proponebat Parisiis MATTHÆUS-THOMAS LA CASSAIGNE, Parisinus, Saluberrimæ Facultatis Medicinæ Parisiensis Baccalaureus, Theseos Auctor. A. R. S. H. 1763.

A SEXTA AD MERIDIEM.

Typis Viduæ QUILLAU, Universitatis & Facultatis Medicinæ Typographi, 1763.

(c) Tulpii Observ. lib. 3. cap. 41.

(d) Eutrop. Hist. Roman lib. 10. c. 18.

(e) Boerh. Praelection. Academ. de morbo. nervor. quas edidit Jac. Van Elm.

(a) Guidonis Pancirolli rer. memor. five deperditat. Paris prior. Commentar. illust. ab Henrico Sal-muth.

(b) Vide eximium Theſum M. Le Begue de Presse, an conspirantibus Medicis & Magistratibus sanitas publica conservari, & morbi præcaveri possint? 29 Martii 1759.